

Selskapsavtale for Ålesundregionen Interkommunale Miljøsekskap IKS

Vedtatt av Vestnes kommunestyre 18. juni 2020

Vedtatt av Ålesund kommunestyre 19. juni 2020

§ 1 Heimel.

Ålesundregionen interkommunale miljøsekskap IKS (ÅRIM) er eit interkommunalt sekskap med delt ansvar, stifta med heimel i lov 29. januar 1999 nr. 6 om interkommunale sekskaper. I sekskapsavtalen er denne lova heretter kalla "IKS-loven".

§ 2 Deltakarar.

Følgjande kommunar deltek i sekskapet:

Fjord kommune

6210 Valldal

Organisasjonsnummer: 921 891 687

Giske kommune

650 Valderøy

Organisasjonsnummer: 964 980 721

Stranda kommune

6200 Stranda

Organisasjonsnummer: 964 980 098

Sula kommune

6030 Langevåg

Organisasjonsnummer: 964 980 543

Sykkylven kommune

6230 Sykkylven

Organisasjonsnummer: 964 980 365

Vestnes kommune

6390 Vestnes

Organisasjonsnummer: 939 901 965

Ålesund kommune

6025 Ålesund

Organisasjonsnummer: 920 415 288

Andre kommunar har høve til å søkje medlemskap.

§ 3 Føremål.

3.1 ÅRIM utfører kommunane sine lovpålagde oppgåver innan innsamling, gjenvinning og behandling av avfall frå hushald og slam frå mindre avløpsanlegg i samsvar med sentrale og lokale miljømål.

3.2 ÅRIM kan gje eit tilbod om innsamling, gjenvinning og behandling av næringsavfall der selskapet finn dette miljømessig ønskjeleg og økonomisk forsvarleg.

3.3 ÅRIM har einerett frå kommunane til å sikre tømning av slam frå mindre avløpsanlegg der utløpet er knytt til offentleg avløpsnett.

3.4 ÅRIM tek over eigarskapet til, og ansvaret for disponeringa av avfallet og slammet så snart det er henta inn eller levert gjennom dei avfallsordningane som er oppretta.

3.5 Medlemskommunane fastsetter likelydande forskrifter om avfall og slam i Ålesundregionen. Selskapet får her mynde til å ta avgjerd i enkeltsaker.

3.6 ÅRIM skal vere eit rådgevande organ og kompetansesenter for medlemskommunane. Selskapet skal i nært samarbeid med kommunane drive eit aktivt informasjonsarbeid for å auke innbyggjarane sin kunnskap om avfallsreduksjon og meir miljøvenleg avfallsbehandling.

3.7 ÅRIM skal legge vekt på miljøvenleg drift i alle ledd i avfallsbehandlinga.

3.8 ÅRIM skal ha kostnadseffektiv drift.

3.9 ÅRIM avgjer i kva grad drifta skal skje ved bruk av eigne anlegg, utstyr og mannskap, eller ved avtalar med medlemskommunane, andre selskap, eller private næringsdrivande.

3.10 ÅRIM kan søkje samarbeid med andre kommunar, regionar og selskap der dette er naturleg, og selskapet kan vere eigar eller medeigar i andre selskap.

3.11 ÅRIM skal utføre eventuelle andre oppgåver som kommunane er samde om at selskapet skal utføre.

§ 4 Hovudkontor.

Selskapet har sitt hovudkontor i Ålesund kommune.

§ 5 Eigardelar og deltakaransvar

Kommunane sin eigardel i selskapet vert fastlagd som ein prosentdel i høve til folketalet.

Kommunane er seg imellom ansvarlege for pliktene til selskapet i høve til den same prosentdelinga.

Eigardelar og ansvar delt på følgjande måte i samsvar med Statistisk Sentralbyrå (SSB) sin statistikk pr. 01.01.2020.

Kommune	Folketal	Prosentdel
Fjord	2 549	2,42 %
Giske	8 461	8,04 %
Stranda	4 523	4,30 %
Sula	9 310	8,84 %
Sykkylven	7 625	7,24 %
Vestnes	6 532	6,20 %
Ålesund	66 273	62,95 %
SUM	104 652	100,00 %

Prosentatsane vert justerte kvart 4 år, første gong pr. 1.1.2024. Satsane vert justert i samsvar med SSB sin statistikk for årsskiftet 2023/2024, 2027/2028 o.s.v. Slike endringar skal gå fram av årsmeldinga til selskapet, men endringa vert ikkje handsama som endring i selskapsavtalen.

§ 6 Selskapet si leiing

Selskapet vert leia av eit representantskap, eit styre og ein dagleg leiar som administrerer drifta av selskapet.

§ 7 Representantskapet

7.1 Medlemskommunane øver sitt mynde i selskapet gjennom representantskapet, som er selskapet sitt øvste organ. Representantskapet skal sjå til at selskapet vert drive etter føremålet sitt i samsvar med lover, forskrifter og selskapsavtalen.

7.2 Representantskapet skal ha eit medlemstal som tilsvarar folketalet i medlemskommunane i høve til det totale folketalet i selskapsregionen etter følgjande delingshøve:

Del av totalt folketal i %	Representantar
Mindre enn 10	1
10 – 20	2
20 – 30	3
30 – 40	4
40 – 50	5
50 – 60	6
60 – 100	7

Frå 2020 gjev folketalet pr 01.01.2020 følgjande representasjon med denne modellen:

Kommune	Prosentdel	Representantar
Fjord	2,42 %	1
Giske	8,04 %	1
Stranda	4,30 %	1
Sula	8,84 %	1
Sykkylven	7,24 %	1
Vestnes	6,20 %	1
Ålesund	62,95 %	7
SUM	100,00 %	13

Folketalet og talet på medlemmer i representantskapet vert justert kvart 4. år, første gong pr. 1.1.2024, på same måten som i § 5.

7.3. Medlemene i representantskapet med personlege varamedlemmer vert valde av kommunestyra i medlemskommunane for 4 år i samsvar med den kommunale valperioden.

7.4 Dagleg leiar i selskapet og medlem i styret kan ikkje vere medlem i representantskapet.

Om ikkje representantskapet for den enkelte saka avgjer noko anna, har styreleiar, styremedlemmer og dagleg leiar rett til å delta i representantskapet sine møte og til å uttale seg.

Styreleiar og dagleg leiar har plikt til å vere til stades med mindre det er openbert unødvendig eller det ligg føre gyldig forfall. I sistnemnde høve skal det utpeikast nokon som kan møte i staden for dagleg leiar.

7.5 Representantskapet vel sjølv sin leiar og nestleiar.

§ 8 Møte i representantskapet

8.1 Representantskapet kjem saman minst 2 gonger i året.

Leiaren for representantskapet kallar inn til møte når det er ønskjeleg for å gje orientering eller drøfte saker som kan ha interesse for selskapet, eller som er nødvendige å handsame etter lova eller selskapsavtalen.

Leiaren for representantskapet pliktar også å kalla inn til møte når styret, revisor, minst ein av medlemskommunane, eller minst ein tredel av representantskapet sine medlemmer krev det for handsaming av ei særskild sak.

Det skal innkallast til årsmøte kvart år innan utgangen av april.

På årsmøtet skal representantskapet handsame desse sakene:

- Skriftleg årsmelding frå styret.
- Revidert årsrekneskap frå styret.
- Val av leiar/nestleiar i representantskapet (annakvart år).
- Val av styremedlemer og varamedlemer til styret.
- Val av leiar og nestleiar i styret.
- Val av medlemmer i valkomiteen.
- Val av revisor og fastsetjing av godtgjersle for revisjon.
- Val av medlemmer i Klageutvalet (kvart fjerde år).
- Val av leiar og nestleiar i Klageutvalet (kvart fjerde år)
- Fastsetjing av godtgjersle til styret, valkomiteen og klageutvalet og forslag til godtgjersle til representantskapet.

Elles skal representantskapet handsame:

- Budsjett og økonomiplan, inklusive satsane for kommunane si innbetaling til selskapet. Det skal kallast inn til møte for å behandle budsjett for påfølgjande år innan utgangen av oktober.
- Strategi for selskapet, og eventuell felles avfallsplan for kommunane.
- Eventuelle framlegg om endring av selskapsavtalen.
- Fullmakter til styret.
- Eventuelle andre saker som styret vil ha handsama i representantskapet.

8.2 Representantskapet skal velje ein valkomité med minst 3 medlemmer som skal fremje forslag om leiar og nestleiar i representantskapet, val av styremedlemer og medlemmer i klageutval for årsmøtet.

Medlemene i valkomiteen med personlege varamedlemer blir valde for 2 år om gongen. Attval kan finne stad.

8.3 Innkalling til møte skal skje med minst 4 veker varsel.

Innkallinga skal innehalda saksliste og eventuelle saksdokument.

Kvar medlemskommune skal med same frist varslast om innkallinga og sakslista.

Kopi av innkallinga skal også sendast revisor og kontrollutval i medlemskommunane.

Møte i representantskapet i ÅRIM er opne for publikum. Ved behandling av saker som krev teieplikt er møtet lukka. Ei lukking av eit møte i representantskapet, anten heile møtet eller i samband med behandlinga av ei enkeltsak, gjerast med simpelt fleirtal.

Det skal førast protokoll for møta. Denne skal underskrivast av leiaren og 2 av dei andre medlemene. Medlemene i styret og dagleg leiar har rett til å få sitt syn på ei sak innført i protokollen.

8.4 Kvar representant har ei røyst. Representantskapet er vedtaksført når meir enn to tredelar av medlemene i representantskapet er til stades.

Vedtak vert gjort med vanleg fleirtal av dei gjevne røystene, bortsett frå endring i selskapsavtalen som krev 2/3 fleirtal og vedtak om gjeremål etter § 3-11 i selskapsavtalen som må gjerast samrøystes.

Representantskapet sin leiar er møteleiar. Når denne er fråverande, er nestleiar møteleiar. Dersom ingen av desse er til stades, skal det veljast ein møteleiar. Ved likt røystetal har møteleiar dobbelrøyst.

Sakshandsaminga i representantskapet skal elles skje i samsvar med IKS-loven § 9. Ved spørsmål om habilitet gjeld IKS-loven § 15.

8.5 Vedtak i representantskapet må godkjennast av kommunane dersom dette er eit krav i kommuneloven eller andre lover.

Budsjett og rekneskap skal sendast medlemskommunane som melding.

§ 9 Styret

9.1 Styret i selskapet skal ha 7 medlemmer. Dersom selskapet får fleire enn 30 tilsette, og dei tilsette såleis har krav på representasjon i styret i samsvar med IKS-loven § 10, vert talet på styremedlemmer utvida med talet på representantar for dei tilsette.

Styret skal ha 6 varamedlemmer i nummerert rekkefølge. Styremedlemene og varamedlemene blir valde for 2 år om gongen. Attval kan finne stad.

Dagleg leiar eller medlem i representantskapet kan ikkje vere medlem i styret.

9.2 Begge kjønn skal vere representerte i styret i samsvar med IKS-loven § 10, som viser til aksjelova § 20 – 6.

9.3 Ved val av styremedlemmer skal valkomiteen med sine forslag og representantskapet i sitt styreval ta omsyn til selskapet sitt behov for lokalkunnskap, røynsle i styrearbeid, og kompetanse innanfor relevante fagområde som miljøfag, informasjon, økonomi og liknande.

9.4 Styret har ansvaret for organiseringa av selskapet si verksemd. Styret skal sjå til at verksemda vert driven i samsvar med selskapet sitt føremål, selskapsavtalen, selskapet sitt budsjett og andre vedtak og retningslinjer som er fastlagde av representantskapet.

Styret skal tilsetje dagleg leiar og føre tilsyn med dagleg leiar si leiing av selskapet.

For den daglege drifta kan styret gje prokura til dagleg leiar eller styreleiaren.

Styret gjev innstilling i saker som skal føreleggjast representantskapet.

§ 10 Styremøte

10.1 Leiaren av styret kallar inn til møte når han finn det nødvendig eller når eit medlem av styret eller dagleg leiar ber om det. Om ikkje styret for den enkelte saka avgjer noko anna, har dagleg leiar rett og plikt til å vere til stades og å uttale seg i styremøta.

Innkalling til møte skal skje med minst 5 dagars varsel, og innkallinga skal innehalde saksliste og eventuelle saksdokument. Det skal førast møteprotokoll som skal underskrivast av dei styremedlemene som er til stades. Styremedlem eller dagleg leiar som er usamd i styret sitt vedtak kan krevje å få si meining innført i protokollen.

10.2 Styret sin leiar er møteleiar. Når denne er fråverande, er nestleiar møteleiar. Dersom ingen av desse er til stades, skal det veljast ein møteleiar.

Styret er vedtaksført når meir enn halvparten av medlemene er til stades.

Vedtaka vert gjorde med vanleg fleirtal av dei gjevne røystene. Dei som røyster for eit forslag, må likevel utgjere meir enn ein tredel av talet på styremedlemer totalt i selskapet for at forslaget skal sjåast som lovleg vedtak.

Ved likt røystetal har møteleiaren dobbelrøyst.

Ved spørsmål om habilitet gjeld IKS-loven § 15.

§ 11 Dagleg leiar

Dagleg leiar skal stå for den daglege leiinga av selskapet og følgje dei retningslinene og pålegga som styret har gjeve. Større saker eller saker av uvanleg art kan den daglege leiaren berre avgjere når styret i den enkelte saka har gjeve dagleg leiar mynde til det, eller når ein ikkje kan vente på avgjerd i styret utan vesentleg ulempe for verksemda til selskapet. Styret skal i så fall snarast orienterast om saka.

§ 12 Representasjon – Signatur

Styret representerer selskapet utetter, og teiknar selskapets firma. Styret kan gje styreleiar og eitt styremedlem saman rett til å teikne selskapets firma og kan avgjera at dei som har slik rett må utøve den i fellesskap.

Dagleg leiar representerer selskapet utetter i dei sakene som kjem inn under § 11

§ 13 Innskotsplikt, budsjett, utbytte og låneopptak

Eigenkapitalen er kr. 500 000,-

Innskot av egenkapital skal skje i høve til kommunane sin eigardel, slik denne er fastlagd i § 5.

Etter at årsrekneskapen er fastsett, kan representantskapet, etter forslag frå styret, vedta utdeling av utbytte frå selskapet etter reglane i § 29 i IKS-loven.

Selskapet har høve til å ta opp lån til kapitalføremål og konvertering av eldre gjeld innanfor ei ramme for samla låneopptak på kr. 250 mill.

§ 14 Pris på tenestene

Selskapet fastsetter prisar for tenestene. For innsamling av hushaldsavfall og slam blir det nytta lik pris for same servicenivå i alle medlemskommunane.

For dei tenestene der kostnaden skal delast likt på innbyggjarane i selskapsområdet, betalar kommunane a-kontosummar kvart kvartal etter rekning frå selskapet. Summen for kvar kommune vert fastlagd på grunnlag av vedteke budsjett og talet på innbyggjarar 1. januar.

Medlemskommunane skal krevje inn renovasjonsgebyret og gebyr for slamtøming frå dei abonnentane som går inn i den vanlege innsamlingsordninga for desse avfallstypene.

Innkrevjinga kan overførast til selskapet dersom kommunane ønskjer det, og selskapet seier seg viljug til å overta innkrevjinga. Desse gebyra vert fastlagde av kommunane i samsvar med lovverket for slike gebyr.

§ 15 Klageutval

Representantskapet oppnemner eit klageutval med sju medlemmer med leiar og nestleiar. Klageutvalet har mynde til å behandle klager på avgjerdene til selskapet. Funksjonstida for klageutvalet tilsvarar den kommunale valperioden.

Styreleiaren og dagleg leiar i selskapet har møterett og talerett, men ikkje røysterett i klageutvalet.

§ 16 Nye medlemmer

Vedtak om opptak av nye medlemmer krev tilslutnad frå kommunestyret i alle deltakarkommunane. Samtidig skal representantskapet fastlegge ny prosentdeling og representasjon i § 5. Nye medlemmer skal innbetale ein kontantsum eller aktiva av tilsvarende verdi. Summen skal tilsvare det nye medlemet sin prosentvise del av selskapet sin eigenkapital. Selskapet sin revisor fastset eigenkapitalen på grunnlag av det siste rekneskapet, justert fram til tidspunktet for deltaking i selskapet.

§ 17 Rett til å tre ut

Den enkelte kommune kan med eitt års skriftleg varsel seie opp sitt deltakarforhold i selskapet og krevje seg utløyst av dette. Vedtak i ein kommune om å gå ut må meldast representantskapet på årsmøtet.

Utløysingssummen vert fastsett til nettoverdien av eigardelen ved utløpet av oppseiingsfristen. Utløysingssummen kan likevel ikkje overstige verdien av deltakaren sine innskot. Utløysingssummen skal utbetalast straks.

Det vert elles vist til IKS-loven § 30.

§ 18 Oppløysing

Oppløysing av selskapet kan berre skje dersom kommunestyra i alle medlemskommunane har gjort prinsippvedtak om dette. Kvar av dei deltakande kommunane er ved oppløysinga av selskapet ansvarlege for sin del av pliktene i høve til folketalet det året selskapet vert oppløyst.

Når det er avgjort at selskapet skal oppløysast, og oppløysinga er godkjend av departementet, skal representantskapet straks nemne opp eit avviklingsstyre. Styret i selskapet trer ut av funksjon når avviklingsstyret er valt.

Det vert elles vist til IKS-loven §§ 32 flg.

§ 19 Endringar i selskapsavtalen

Endringar i selskapsavtalen som gjeld forhold som er omtalt i IKS-loven § 4, 3. ledd krev vedtak i kommunestyret i alle deltakande kommunar. Andre endringar kan vedtakast av representantskapet med eit fleirtal på minst to tredelar av dei avgjevne røystene.

§ 20 Tvistar

Dersom det oppstår tvist om tolking av selskapsavtalen skal ein prøve å løyse denne med forhandlingar mellom partane. Om ein ikkje oppnår semje, vert tvisten å avgjere ved dei alminnelege domstolane. Sunnmøre tingrett er rett verneeting.